

է.

ՌՈՒՂԹ ՀԱՅՈՑ ԼՈՂԱՅ ԱՌ ՄԻՔԱՅԷԼ ԿԱԹՈՂԻԿՈՍ

15 ԱՊՐԻԼԻ, 1572.

(Պատուէն զԴոշիրակն Տէր Մարտիրոս Աւղեցի. Խնդրէն բոյրտոշոշրիւն մեր-
ձաւոր խնամուշրեան, վասն սակաւոշրեան ազգայնոց:)



ՈՒՐ մաքրութեան և տեղի հանգստեան, լայնատարած բուրաս-
տան և այգի ցանկապատ՝ լրմամբ բոլորեալ, և կենաց հանգստա-
րան, օտարաց և կարօտելոց ասպնջական. արև լուսատու և Ծ¹ եր-
կրի. զամենեան լիացուցանէք. անուամբ բարի և տեսեամբ զեղե-
ցիկ, բարեմիտ և իմաստուն.

Դուք աղբիւր էք գովելի,	Լցեալ շնորհօքն աստուածային.
Յոյժ բարեհամ անճառելի.	Նման ովկիանոս ծովին,
Անմուտ արև էք աշխարհի.	Ուռնացելոյ մեծ աղբերին,
Քննող տառից աստուածային,	Սաղարթախտ փթթեալ վարդին,
Լուծող անյայտիմաստ բանին,	Վարսաւորեալ նման նմին:

Երևելի և ականաւոր և ամենայն ուրեք ցանկալի, յամենայն լեզուէ գո-
վեալ և յամենայն բերանոյ բարեբանեալ, յամենայն սրտից սիրեցեալ և ա-
մենայն մտաց տենչացեալ. պարծանք պարծանաց և պսակ ամենայն Հայաս-
տանեայց, հզեւոր հայր մեր, Տեառնդ մերոյ Տէր Միքայէլ, կաթողիկոս ա-
մենայն Հայաստանեայց:

Այս ձեզ սակայն գովեստ և բան	Ի գիշերի և ի տուընջեան.
Փոքր ի շատէ ձեզ բաւական.	Միջօրէի լուսոյ նման.
Զի ձեզ հրեղէն պիտի բերան՝	Եւ ոչ լուսինն է ձեզ նման,
Զիրաւացին տայ և զարժանն.	Զի նուաստանայ և առնու զվաղջան.
Բայց դուք միշտ լոյս էք անխափան	Բայց դու հաստատ կաս և փարթամ
Գործով մաքուր և սրբազան,	Միշտ անսպառ և անվախջան.

1. Այս փակագիրս բացուելու կարօտի. նման ձեւք նշանակեն լուսին, «բոլոր», բայց այս տեղ
մանաւանդ վարն այլ՝ չի յարմարիւր այս բառերուս: